

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصحة ولاة الأمر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - **المحدث :** الألباني - **المصدر :** صحيح الترغيب - خلاصة حكم المحدث : صحيح

الحصة الي فاتت إحنا بدأنا سؤال نظري مهم ،

حاجة اسمها dynamic lung volumes

فاكرين؟؟؟

قولنا يعني إيه dynamic؟؟

يعني إحنا بنقيس volume per time

كنا قولنا السؤال لما يجيلنا عن ال dynamic lung volumes هما 3 :

1. أول واحدة كان اسمه فضيحة < كان اسمه Timed vital capacity

دا عملناه

النهاردا إن شاء الله هنكمل بقا بقية أنواع ال dynamic

دا باقي السؤال الي قبله في المحاضرة الي فاتت

كان فاضلي اتنين maximal

2. maximal breathing capacity

3. maximal flow rate وحاجة اسمها

ال dynamic بنتكلم ،

إننا بنقيس volume في time

وقولتلك ليه سموه dynamic؟؟؟

عشان فيه استعجال في التجربة

نفس فكرة ال curve ال dynamic وال static

عشان فيه استعجال في التجربة (دا معنى كلمة dynamic)

بقول للعيان في ال dynamic : شد حيلك معايا ، اديني أكبر حجم في أقل وقت بسرعة شوية

فيسموا التجارب dynamic lung volumes

أي حاجة بالوقت ، بيقا دا اسمه dynamic

VISIT...

LANZAROTE
Caliente.COM

تعالوا نشوف ال Maximal breathing capacity

Maximal breathing capacity

إختصاره ،، MBC

عارف ال MBC ؟؟

اللي هي maximal breathing capacity

أو ليها اسم ثاني ،، maximal ventilatory volume (MVV)

بيقا ال MVV

هي ال MBC

إيه ال MBC دي ؟؟؟

maximal breathing capacity

وال MVV ؟؟

maximal ventilatory volume

الحقيقة الكلام ده سهل مقارنةً باللي فات

لما أقولك إيه تعريف ال maximal breathing capacity

كلمة maximal فضحتها

أكبر حجم من الهواء ،، مش بتقول maximal

أكبر حجم من الهواء تقدر تأخذه inspired ،، أو تخرجه (expired)

[وإنتوا فاهمين إن اللي الأثنين بيساواوا بعض ،، مش أقنعتكم إن إحنا اللي بنأخذه ،، أد اللي بنخرجه بالملي ،، واقتنعنا بيها الحصة اللي فاتت]

التجربة هنا يا أولاد بنقيس أكبر حجم من الهواء

سعادتك بتقدر تأخذه Inspired ،، أو بتخرجه (expired) من صدرك

والأثنين بيساواوا بعض في دقيقة

ما دام حساباتنا في time

في دقيقة

بيقا الكلام هنا dynamic ولا static ؟؟

dynamic

أهم حاجة وإحنا بنعمل التجربة دي ،، العيان يكون بيتنفس في التجربة على جهاز ال spirometer إياه ده ،،

أبو خرطوم وعداد ،، بسرعة وبعمق أثناء التجربة

fast and deep

عفواً ،،

مش العيان أثناء التجربة بيتنفس بسرعة وبعمق (fast and deep)

بأسرع وأعمق نفس ممكن

إنت عارف لو شوفت التجربة دي ،، بيقا اختبار مربع للناس

الشخص من دول نقوله : من فضلك اقعد ربع دقيقة اتنفس بسرعة وبعمق من خرطوم الجهاز والجهاز إحنا ظبطينه ، يا يقيس الي خارج يا يقيس الي داخل

فتلاقي العيان ده (إيموشن بينهج أوووي)
مفيش بني آدم ممكن يعمل الإختبار دا لمدة الدقيقة الي إحنا عايزينها

فإحنا بنعمل الإختبار لمدة ربع دقيقة
والرقم الي يطلع على عداد الجهاز ، نضربه في 4
بيقا دي الحسبة في الدقيقة الكاملة

بيقا أنا لو مكانك
أبروز كلمتين : **Fastest and deepest**
مش نفس سريع وعميق
لكن ،
أسرع وأعمق نفس ممكن
دا اختبار عنيف

الجهاز الي بنستخدمه هنا ال spirometer
وعلمتكم ، ما دام قولت measurements
إيه النقطة الي وراها علطول؟؟؟
normal standard

غلاسة ال respiration في الأرقام
كل حصة بديلك شوية أرقام كتيرة أوووي
قدر الإمكان بساعدك فيهم ،
الولد لو عمل التجربة دي ، ربع دقيقة وضربنا في أربعة
تطلع الحسبة معاك ،
يقدر الولد يأخذ هواء من 80 إلى 170 لتر في الدقيقة
يا ستار يا رب

والله كان زمان بنحفظها وبنكتبها في الكُتب ، من 80 إلى 160 لتر
السنادي الكلية غيرتها ومخليها 170 لتر في الدقيقة
كان زمان حلوة ،

كان الواد من 80 إلى 160 لتر في الدقيقة
والبنت من 60 إلى 120 لتر في الدقيقة
كانت حلوة في الحفظ

الظاهر دايقتهم الطريقة دي ،
فعقدوها ، فخلوها
من 80 إلى 170 لتر في الدقيقة

و البنات من 60 إلى 120 لتر في الدقيقة

الطالب الناصح،

لما أسأله إيه هي الـ factors اللي بتأثر في نتيجة الإختبار ده؟؟

إنت عارف الطالب اللي بيفكر،

هيقول : ما الـ maximal breathing capacity إلا vital capacity متكررة

فاكر الحصة اللي فاتت

إحنا كنا بنعمل إزاي الـ vital capacity

كان الشخص من دول بياخذ نفس عميق من الجو،

ويروح مخرجه،،

التجربة اللي بحكيها لك،، اسمها Maximal breathing capacity

الشخص بياخذ نفس أعمق وأسرع ما يمكن

بيقا ما الـ maximal breathing capacity

إلا،،

vital capacity متكررة

بيقا هي هي نفس الـ factors يا أولاد،،

فاكرين لما قولتلكم،، إمتى النتيجة تطلع حلوة في vital capacity ???

لو البني آدم عنده الـ chest wall سليم

والـ Lung مفيهاش أمراض (اللي هي لا Obstructive ولا restrictive)

والشخص ميكونش عنده الـ left sided heart failure

ويكون الـ diaphragm له free descend،، مفيهش حاجة معكساه في النزول

هي هي نفس الـ factors

دا حتى هتلاقيها مكتوبة عندكم هي هي نفس الأهمية

physical fitness

دا اختبار بردو بقيس الكفاءة البدنية

على فكرة،،

تجربة الـ Maximal breathing capacity

واسمها الثاني (MVV) maximal ventilatory volume

دا أعنف اختبار لقياس الكفاءة البدنية

يعني إيه ???

يعني أنا راجل مش رياضي،،

تقولي : تعال اعلمي في المعمل عندنا تجربة الـ vital capacity

أقول : طيب

هروح واحد نفس جامد ، ونافخ ، تطلع النتيجة حلوة
وأقعد أريح باقي اليوم في المكتب ، مفيش أي مشكلة

تقولي : تعال بقا ، ربع دقيقة اتنفس بسرعة وبعمق بالمنظر ده ونضربك النتيجة في أربعة
أقولك : اسمحلي ، دا أنا أموت منك في الربع دقيقة ، مستحملش ⑤

دا أعنف اختبار ، لقياس الكفاءة البدنية
عندنا حكام الكرة ، قبل السنة ما بتبدي ، يقولك : بيعملوا ليهم اختبارات كوبر للحكام
عشان يشوفوا اللياقة البدنية بتاعتهم

بيحطوهم في الإختبار ده ،
اللي يطلع نتيجة حلوة ، بيقا كفاءته البدنية حلوة

تخيل واحد بيتنفس بالمنظر ده ، ربع دقيقة
صعب أوووي
بيقا خمس نقط في ال MBC

ال MBC اللي هي مين ؟؟؟
Maximal Breathing Capacity

هي هي اللي ليها اسم ثاني ، MVV
maximal ventilatory volume
عشان الإمتحانات

الولد بتطلع كام النتيجة ؟؟
من 80 إلى 170 لتر في الدقيقة

ال Unit ؟؟ خلي بالك في الإمتحان ليلخبطوك في الرقم يا ال Unit ؟؟؟
لتر في الدقيقة

والبنت تطلع من كام لكام بقا ؟؟
من 60 إلى 120 لتر في الدقيقة

قبل ما نروح للنوع الثالث ، في ال dynamic
ما هما 3 أنواع dynamic
فيه عنوان في الكتب تحت ال maximal breathing capacity
اسمه breathing reserve

دا يموتوا فيه في الشفوي ،
احتياطي التنفس ، بيجبوه في الشفوي
دا طبعاً تابع للإجابة ، بس في الشفوي بيجبوه أوووي

عبارة عن إيه بقا ال breathing reserve ده ؟؟؟

الإحتياطي ، دا
بصوا يا شباب ☺

أي واحد فيكم ، حجم الهواء الي بيتنفسه في دقيقة

RMV

respiratory minute volume

دا اختصار respiratory minute volume ، دا عبارة عن حجم الهواء الي بيتنفسه في دقيقة
وانت قاعد دلوقتي ، أي واحد فيكم
أقدر أحسبها لك

فاكرين المرة الي فاتت

قولت : الواحد منا وهو قاعد مستريح ، كان بيأخذ tidal volume

كان كام ???

نص لتر (500 ملي)

إذا قولتلك : إنتي بتننفس من 12 إلى 16 مرة في الدقيقة
قول مثلاً 12

إذا كنت بتننفس في دقيقة 12 مرة

وكل نفس بتسحب 500 ملي (نص لتر هواء)

بيقا الهواء بتاع الدقيقة الي سعادتك بتأخده أد إيه ???

$6000 = 12 \times 500$ ملي لتر

يعني 6 لتر

هو دا الي يسموه RMV

الي هو اختصار إيه بقا ???

Respiratory minute volume

الهواء الي أنت بتننفسه في الدقيقة وأنت قاعد

كل دقيقة ، بتأخذ 6 لتر من الجو وبترجهم بعد كده

طيب ،

إذا جيت لولد منكم ، قولتله تعال : أعمل تجربة الـ MBC

واحد عنده شوية لياقة ،

تقوله : تعال اعمل معانا تجربة الـ MBC < maximal breathing capacity

الولد بتطلع من كام لكام ??

80 إلى 170 لتر في الدقيقة

ربنا كرمه هو ، وتجربة الـ MBC بتاعته جابت 100 لتر في الدقيقة

حلو أوووي ، ما الولاد من 80 إلى 170 لتر في الدقيقة

خلي بالك ،

يعني الواحد فيكم من الولاد دلوقتي «
بيقدر يأخد 6 لتر في الدقيقة
لكن « لو اتنفس بسرعة وبعمق « زي سعادتك ما بتجري « أو بتعمل مجهود عنيف
تقدر تأخذ لغاية 100 لتر هواء في الدقيقة

الفرق هو ده الإحتياطي «
اللي اسمه breathing reserve
احتياطي التنفس
اللي هو يطلع كام في المثال اللي قولناه؟؟؟
94 لتر في الدقيقة

سبحان الله «
دا الواحد لما يبقا سايق عربيته على سرعة 120 كم في الساعة (الطريق مفتوح شوية)
ويبص مثلاً على آخر العداد عندي مثلاً 240 كم في الساعة
أقول كده : أنا بستخدم النص « وعندي احتياطي النص الثاني في العداد

عند ربنا شايف الإحتياطي أد إيه؟؟؟
إنت بتأخد 6 لتر هواء في الدقيقة «
لكن
ممکن توصل لغاية 100 لتر في الدقيقة

الإحتياطي 94 لتر «
شايف الإحتياطي أد إيه اللي عندك

الشخص ال Normal

وهتلاقي الكلام ده مكتوب عندكم في الكتب «
(هو غلاسة ال respiration في الأرقام)
المفروض الإحتياطي لو قسمناه «
الإحتياطي اللي هو ال BR
مين اللي BR ده؟؟؟
breathing reserve

لو قسمنا ال breathing reserve على ال MBC «
مين ال MBC؟؟؟
maximal breathing capacity

في ال example اللي بنقوله ده «
ال BR طلعت كام؟؟؟
94 لتر في الدقيقة

وال MBC كام؟؟؟ 100 لتر في الدقيقة

الشخص ال Normal «

لازم النسبة دي تتخطى % 90

طبيب «

ما باين في المثال « 94 لتر قي الدقيقة

يعني % 94

يقولك :

لو واحد النسبة دي طلعت عنده « أقل من % 70

أنا مش جاي أقرأ معاكم الكتاب

بصوا على المثال وتعالوا نستنتجها سوياً «

يعني إيه واحد عنده « الإحتياطي نسبته قلت «

أنا هقوم عشان أستعد لصلاة الجمعة بقا « الساعة 1 و 49 صباحاً يوم الجمعة 29 مارس 2013

ورجعت بعد الصلاة وربنا ييسر وأكتب حاجة كويسة النهاردا قبل ما أسافر الفجر بقا

يعني إيه واحد عنده « الإحتياطي نسبته قلت «

متى يقل الإحتياطي؟؟؟

لو أنا بستخدم من الأول كثير «

إمتى يقل الإحتياطي في أي سلعة في الدنيا؟؟؟

لو أنا بستهلك منها كثير

عارف يعني إيه واحد بيستهلك كثير؟؟

بيتنفس كثير أوووي «

بينهج «

بدل ما هو بيسحب 6 لتر هواء في الدقيقة

بيسحب 40 لتر في الدقيقة (إيموشن واحد بينهج)

عنده مرض ولا حاجة « وهنكي أسباب النهجان ده إن شاء الله

خلى الإحتياطي بتاعه قل

عرفتوا متى يقل الإحتياطي « وتقل النسبة؟؟؟

لو المُستهلك كثير

يعني لو ال RMV (respiratory minute volume) عالية

مكتوب عندكم في الكتب

كلمة dyspnea (يعني نهجان)

بينهج «

كده الشخص ده بيسحب من الجو « 40 لتر في الدقيقة

أصبح الفرق عندك 60 لتر

لو قسمت الإحتياطي (reserve) على ال MBC
هتطلع أقل من سبعين في المية

الأرقام دي مش هزار ،
دي بتيجي في الإمتحانات كده

يبقا ال Normal
الإحتياطي نسبته إلى ال MBC
يطلع كام ؟؟؟
أكثر من 90 %

لو أقل من كام أقول عنده dyspnea ؟؟؟
70 %

أومال ال MBC ال normal كام ؟؟؟
80 إلى 170 لتر في الدقيقة
في ال male
وال female ؟؟؟
60 إلى 120 لتر في الدقيقة

آخر واحد في ال dynamic
كان عندنا رقم واحد timed vital capacity
واتنين وتلاتة maximal
• maximal breathing capacity
• maximal flow rate

Maximal flow rate

عبارة عن إيه ال maximal flow rate ؟؟؟
عندنا جهاز كده في المعمل بتاع الفسيولوجي زي الصفارة
(صفارة)

بنطلب من البني آدم اللي قصادنا : انفخ جامد فيها
الصفارة دي بتقدر تقيس سرعة هواء الزفير بتاعك
(السرعة يعني velocity)

ما أي سرعة في الدنيا يقولك : السرعة كذا كيلو متر في الساعة
الله
يعني الحسبة هنا بردو في time

وما دام الكلام ليه علاقة بال time
يبقا static ولا dynamic ؟؟؟
dynamic

بيسألوكم بقا في الشفوي

اسمها إيه الصفارة دي اللي العيان بينفخ فيها ؟؟؟

الصفارة دي يا أولاد عاملة زي اللعبة بتاعت العيال الصغيرين
(فاكرو اللعبة اللي كنا بنفخ فيها)

عارفين اسمها إيه اللعبة دي ؟؟؟ يعني غريبة أوووي الناس كلها لعبتها ، و تروح هناك

تقوله هاتلي من دي

طيب ، اسمها إيه اللعبة دي ؟؟؟ حد عارف ؟؟؟

معرفش اسم عجيب شبه العفريت كده

المهم الجهاز ده بيسألوكم في الشفوي بقا :إسمه إيه ، الجهاز اللي العيان بينفخ فيه ويقيس سرعة هواء الزفير ؟؟؟
خد الإجابة من بوء الممتحن من فضلك

الممتحن بيقولك : إزاي تقيس maximal flow rate ؟؟؟

غش قانوني في الإمتحانات

خد الإجابة من بؤه ،

هو بيسألك : قولي إزاي تقيس ال maximal flow rate ؟؟؟

كلمة maximal هي هي كلمة peak

كلمة Maximal هي كلمة peak

خط كلمة flow هي هي ،

مش هو بقولك كلمة maximal flow rate

خط flow هي هي

وأي حاجة بتقيس اسمها meter

بيقا الجهاز اسمه إيه بقا في الآخر ؟؟؟

peak flow meter

غش قانوني

هو بيقولك : إزاي تقيس ال maximal flow rate ؟؟؟

فكر ،

الدكتور قالنا : إن كلمة maximal هي كلمة Peak

كلمة flow ، اللي يسألك عنها ، خطها هي هي

وأي حاجة بتقيس بيقا meter في الآخر

peak flow meter

قبل ما أقفل الورقة دي ،

بجيلك سؤال في نص السنة ،

يا ترى ال dynamic lung volumes اللي قولناهم

الثلاثة الي قولناهم «
الي هما واحدة timed و اثنين Maximal

يا ترى يتأثروا أكثر في الأمراض ال obstructive؟؟؟ ولا ال restrictive؟؟؟ أنا الي هجاوب
أنا الي النهاردا لما أجي متأخر على ميعاد الحصة نص ساعة
أجي أقولكم :معلش يا جماعة « أنا ال time النهاردا بتاعي مش مضبوط
لأن فيه Obstruction على كوبري الجامعة « السكة مقفولة

بيقا دائماً «
التأخير في ال time بنعزوه بال obstruction
ال time بنقول سببه obstruction

بيقا الحاجات الي بتتقاس في ال time
الي هي ال dynamic lung volumes كلها تتأخر في ال obstructive lung disease
اكتبلي عليه M.C.Q.

طبعاً هي بتتأثر في ال obstructive وال restrictive
لكن «
ال Obstructive أكثر «
تفتكروا يا أولاد ال example ده الي أنا حكيتنه
أنا متأخر « ال time بتاعي مش مضبوط
لأن فيه obstruction

بيقا التأخير في ال time << دائماً obstruction

بيقا إيه الحاجات الي بتأخر ال time؟؟؟
لما بيقا فيه obstructive lung disease

كده يا أولاد خلصنا ال dynamic lung volumes
نروح بقا لموضوع جديد الي هو ال static lung volumes

Static Lung Volumes

عشان تفتكرهم «
أنا حطيتهم في صورة معادلة رياضية «
قولت vital capacity
(خلي بالك « أوعي حد يتلخبط)

ال vital capacity لوحدها « كانت static
ال dynamic بتاعها كان اسمها timed vital capacity (بنحسب أول ثانية بس)

vital capacity << لو جمعت عليها residual volume

فاكر اللعبة

يطلعك مين؟؟

total lung capacity

حطتك في أول الورق ، في صورة معادلة كده
عشان تفتكر «

أدي يا عم الثلاثة ال static الي عندي «
تعالوا بقا نفتتح بأول سؤال مهم في حصة النهاردا «

Residual volume

دا سؤال تاريخي

يعني إيه؟؟؟

طالب يقولي : جمع ليا من أول ما بدأت respiration «

إيه الأسئلة الي في الإمتحانات « هي الإمتحان في respiration بييجي فيهم؟؟؟ في الي فاتوا؟؟؟

أقوله : سؤالين اتنين في الحصتين الي فاتوا :

- intra pleural pressure بتاع أول حصة
- Lung compliance الحصة الي فاتت

النهاردا عندي اتنين جامدين زيهم بالطبط «

- Residual volume
- وال dead space الموضوع الي بعد كده إن شاء الله

سؤالين نظري مهمين «

هو ال respiration في الآخر « 12 ، 13 سؤال مهمين
المعظم في الترم الأول من الدراسة « ، مركز على ال M.C.Q
والتحريري المهم « الي عليه درجات أكثر مش مركز معاه

Residual volume ال

سؤال نظري مهم « الحجم المتبقي «

الي هما كانوا كام ملي دول؟؟

1200 ملي لتر

سؤال لما يجيلك في الإمتحان « اتكلم على ال residual volume «

إجابة السؤال ده خمس نقط

تعريف الحجم المتبقي :

هو الحجم الذي يتبقى « بعد « forced expiration

volume that remains in the lung after forced expiration

مين شاطر «

أنا هقول جملة « وإنت عليك تقولي : أنا بتكلم على مين في الحجم والسعات الي أخذناها
تفتكر لما أجي أقولك :

??? volume that remains in the lung after normal expiration

functional residual capacity

ال 1100 و ال 1200 مع بعض

فهمتوا أنا بقول إيه ???

يبقا في إمتحان نص السنة «

volumes that remains in the lung سعادتك متقرأش

يتهيألك إنه بيتكلم على ال residual volume !!!

لا يا بابا

لازم تكملها للأخر «

لأن لو بيسألك « عن الحجم اللي بيتبقى جوا الرئتين بعد ال Normal expiration

أنا جوا صدري دلوقتي فيه 1100 و 1200 ملي لتر

اللي هما على بعض « سميناهم إيه الحصة اللي فاتت ???

functional residual capacity

volumes that remains in the lung after forced expiration : إنما لما يقولي :

يعني خرجت 1100 ملي لتر

يبقا اللي جوا صدرك دلوقتي فاضل مين ???

1200 ملي لتر

اللي هما مين ???

ال residual volume

على فكرة هو دا الإمتحان «

الإمتحان كده

يعني أوعى تفتكر إنك هتخش جوا الإمتحان هتلاقيه كله اختراعات

هما دول « هي دي الأسئلة كده

إن الطالب « إحنا متعودين إنه بيقراً بطريقة مُسطحة هيشوف الجملة هيغلط

volume of air that remains in the lung

تلاقي معظم الدفعة علطول « عَلم على ال residual volume

ما هو دا شبه اللي قرأته

ما الحاجات عنده بالشبه كلها

لازم تكمل «

لو سكت بعد ال Normal expiration « يبقا بيتكلم على مين ???

functional residual capacity

لو سألك بعد ال forced expiration « يبقا بيتكلم على مين ???

ال residual volume

هل ال residual volume ده بيخرج أقدر أقيسه بال spirometer؟؟؟
لا،

مبيخرجش
بيقا مينفعش أقيسه بال spirometer

عارف عشان أقيسه هعمل إيه؟؟؟
هأدخله أنا،

هأدخل أقيسه جوا الرئتين بتوعك
بطريقة سمينها dilution (بطريقة التخفيف)
باستخدام غاز الهيليوم

بقولك إيه طريقة التخفيف؟؟؟ على فكرة بتنزل في امتحانات نص السنة ، مش يقولك أوصف ليا الطريقة ،
يحطلك اختيارات كثيرة ، ويقولك : إزاي بتقيس ال residual volume؟؟؟
فإنت تختار طريقة التخفيف dilution باستخدام غاز الهيليوم

يعني في إمتحان نص السنة ،
مش هيسألك أووي عن التفاصيل
أنا هشرحها لك إن شاء الله متخفش يعني

افتكر بس إحنا بتقيس ال Residual volume
بالهيليوم

إيه بقا الطريقة دي؟؟؟ الي مش هيفهم طريقة القياس هنا ، مش هيفهمها لوحده ،
غاز الهيليوم ده يا أولاد الي هنستخدمه في قياس ال residual volume
ده بيسموه inert gas (يعني غاز حامل)

بردو يعني إيه؟؟؟
inert gas
معناه ، إن جسمك لا يتعامل مع الهيليوم ، يعني جسمك مبستخدمش هيليوم ولا بيطلع منه هيليوم
فهمتوا يعني إيه inert gas!!!!!!
يعني الهيليوم الي هنستخدمه في التجربة ، لا جسمك هياخد منه حاجة ، ولا هيزود عليه حاجة

دا معنى كلمة inert gas
عشان لما تروحوا تقروه تبقوا تمام إن شاء الله

التجربة بتتعمل إزاي إن شاء الله؟؟؟
بنجيب جهاز ال spirometer (عارفينه دا الي بخرطوم وعداد وكلام من ده)
الجهاز ده هنعبيه هيليوم بس (كله هيليوم جوا الجهاز)
و باجي للشخص الي عايز أقيسه ال residual volume
أقوله امسك الجهاز الي مليون هيليوم (اتنفس فيه 3 ، 4 مرات)

فالشخص بياخد هيليوم من الجهاز ، ويخرج

يبقا الحجم اسمه VSV
اللي هو ال volume of spirometer
اقرأه من على الجهاز
مكتوب على الجهاز من بره « مكتوب على الإسطوانة من بره بتأخذ كام

طبيب التركيز ???

خد عينة من جوا الجهاز « ابعتها المعمل يحللوهالك
يجيبولك تركيز الهيليوم فيها كام

يبقا قبل التجربة المعلوماتين أنا عارفهم
الحجم والتركيز

طبيب «
بعد التجربة « إنت بتقول الهيليوم موزع دلوقتي في حجين
ال spirometer وفي ال residual volume

خلاص يبقا الحجم هنا اللي بتتكلموا عليه «
حجم الجهاز « مكتوب عليه VSV اللي هو حجم ال spirometer

والحجم الثاني اللي جواه الهيليوم residual
حجم الجهاز إنت عارفه « اقرأ الحديدة اللي على الجهاز

والتركيز «
هتأخذ نقطة من جوا جهاز ال spirometer يحللوها
يقولولك التركيز بتاع الهيليوم كام جوا الجهاز

أظن عندك معادلة رياضية «
كل اللي فيها اتعرف « فاضلك مين ???
residual volume
خلاص « اتحسبت بالمنظر ده

الطريقة دي مضبوطة جداً «
أنا يهمني التركيز «
التركيز هقيسه مينين ???
من جوا الجهاز وخلاص «
أصل practically « الكلام إننا نقيسه من جوا ال alveoli ده impossible
خلاص « 300 مليون alveoli

من فضلك متسرحش وسط الشرح
أي measurement النقطة اللي وراها علطول ال normal standard
مكتوب عندكم 1200 ملي لتر

تعال لنقطة الimportance

ليه ربنا عمل ال residual volume؟؟ إيه حكاية الحجم اللي مبيخرجش وبيستنى جوا؟؟ دا بتاع إيه؟؟
 يقولك : البني آدم ، « إحنا قولنا بيتنفس من 12 إلى 16 مرة في الدقيقة
 قول 15 مرة في الدقيقة

يعني الهواء بيخس لسعادتك جوا الرئتين 15 مرة في الدقيقة
 متسرحش وتسأل الأرقام دي جت منين
 أنا بقول كل حاجة وإحنا بنتكلم

قلبك بقا بيضرب حوالي من 60 إلى 90 ،
 قول مثلاً 75 ضربة في الدقيقة

قلبك بيضرب 75 مرة في الدقيقة ، يعني الدم بيخرج من القلب ويروح للرئتين بتوعك
 75 مرة في الدقيقة
 بيقا إنت بتتنفس 15 مرة في الدقيقة
 يعني الهواء داخلك جوا الرئتين 15 مرة في الدقيقة

في حين إن الدم مَعْدِي جوا الرئتين 75 مرة في الدقيقة
 تعرف تقولي بيقا النسبة كام لكam ، ما بين كل نفس وكام مرة دم يعدي جوا الرئة؟؟
 5 : 1

بمعنى ، « إنه قُصاد كل نفس سعادتك بتأخده
 الدم بيعدي 5 مرات جوا الرئة

حد عنده إعتراض؟؟؟

اسمع بقا اللي هقوله ،
 إيه رأيك إن النفس اللي سعادتك بتأخده ، بيجدد الدم مرة ، يعني بديله oxygen ويأخذ منه ثاني أوكسيد الكربون (CO)

النفس الواحد اللي بتأخده ده ،
 خمس مرات أهو ،
 النفس اللي إنت خدته ، بيجددك الدم مرة
 يعني بيحطله أوكسجين ويأخذ منه ثاني أوكسيد الكربون

طيب الأربع المرات الثانية
 اللي الدم مَعْدِي جوا الرئة ،

عارف مين بيجددهولك؟؟

هو ال residual volume
 هو ده اللي بيجددك الهواء في الأربع مرات التالية

أقولكم حاجة ،
 بيقا كَأَن النفس اللي سعادتك بتأخده ، ليه فائدتين :
 الكلام ده مش في الكلام ،

النفس الي سعادتك بتأخده ليه فائدتين
النفس نفسه بيجدد الدم مرة ،
وكمان النفس الي سعادتك بتأخده بيجدد الهواء بتاع ال residual volume

يعني مش هما هما ال 1200 بتوع النفس الي قبله
بنجددهم ،
بنأخد الوحشين ونحط مكانهم كويسين
الهواء الي داخل ،، يزق الي تحت ويركب مكانه ويتحدف مكانه في المرة الي وراها

كتاب الكلية اختصر الوظيفة دي
في سطر واحد
كتب : إن فائدة ال residual volume هي تهوية الدم ما بين كل نفس والثاني
حتة مين يجدد الدم أربع مرات ، كتبها كده
الي بيعمل aeration (يعني تهوية) للدم ما بين كل نفس والثاني
فهمتوا الوظيفة دي

فيه وظيفة أخرى
هتقرأها في المذكرة بتاعت دكتور ناجي ،
كتاب الكلية كتبها ،
أحب أقولك : إيه الوظيفة الثانية الي الكتاب قالها ،
شبه الأولانية أووووي

كتب إيه الكتاب ؟؟؟
قال إن ال residual volume بيمنع marked fluctuation
(fluctuation يعني تموج)
في ال blood gases وسكت

بيمنع << marked fluctuation of blood gases
مش فاهم ، إيه الجملة الغريبة دي ؟؟؟
لا لا ، بص معايا ☺

تعالوا كده نتخيل إننا معندناش residual volume ☹
افترضوا معلش افترضوا ، دا مش حقيقة ، بس افترضوه ☹

عارف كان هيحصل إيه ؟؟ لو مفيش residual volume
مكنش فيه هواء شغال ، مكنش فيه تجديد بقا

إنت عارف لو مفيش residual volume كان إيه الي حصل ؟؟؟
كان النفس بتاعك ، ظبط الدم مرة ، علاله الأوكسجين وقلل ثاني أوكسيد الكربون

تخيل بقا ، الأربع مرات التالية ،
الدم بيعدي ومبتملوش أي حاجة ، سايينه زي ما دخل ، زي ما خرج

كانت هتكون النتيجة إن الأوكسجين هيوطى جداً في دمك
(ما هو كل مرة يعدي على ال tissue « ال tissue يأخذ الأوكسجين بتاعه)

وكان ثاني أوكسيد الكربون هيحصله إيه ؟؟؟
يزيد أووووي

التموج الرهيب في مستوى الغازات « دا ضد ال homeostasis
عارف بقا مين الي منع التموج الجامد ده ؟؟؟؟
هو ال residual volume
وظيفتين شبه بعض

بس الكتاب كتبهم اتنين «
بيقا لازم نكتبهم اتنين في التحريري

كمان مرة «
أول وظيفتين لل residual volume « عشان أطمئن إنكم استوعبتوهم
نفسك « بيحدد الدم مرة «
مين الي بيحدد الدم في الأربع مرات التالية ؟؟؟
ال residual volume

دي كتبوها «
بيقا هو الي بيعمل aeration of blood in between breathing
سهلة كده ؟؟؟ إن شاء الله سهلة

لو مفيش residual volume « تخيل « تخيل
كان الدم اتجدد مرة «

يعني إيه اتجدد مرة ؟؟؟
يعني نعالي فيه الأوكسجين « ونوطي ثاني أوكسيد الكربون

تخيل بقا « عدى أربع مرات من غير ما نعمله أي حاجة «
كان هيحصل إيه في الأوكسجين الي في الدم ؟؟
يقل جداً

وثاني أوكسيد الكربون ؟؟؟
يعلى جداً

المنظر ده يسموه تموج (fluctuation) زي الموجة
دا ضد ال homeostasis

ال fluctuation ده مش صح
الي بيمنع التموج ده « وجود ال residual volume

فيه أهمية تالته برده هتلاقوها في مذكرة الدكتور ناجي «
 إنت هتقولي : يا عم أنا هفتح عيادة « أنا مالي ومال الكلام ده « يعني العيان داخلي هقعد أحكيه بقا حته إنت بتتنفس 15 مرة والدم 75
 مرة في الدقيقة
 العيان هيقولك : أنا مالي ومال الكلام ده كله
 يا دكتور أنا مالي ومال الكلام ده « أنا راجل هفتح عيادة إن شاء الله

إيه أهمية ال residual volume مع العيانيين ???
 لو إحنا لقينا نسبة ال residual volume إلى total lung capacity
 أي بني آدم لو لقينا الحجم اللي مبيخرجش من الرئتين بتوعه « إلى ال total lung capacity
 اللي هو كان مجموع أي حجوم ؟؟
 كلهم « الأربعة

لو لقينا النسبة دي فوق 30 %
 يبقى مية في المية فيه مشكلة في سكة الهواء
 فكر فيها «

تخيلي 1/3 الهواء مش عارف يخرج «
 1/3 مش عارف يخرج « دا مية في المية obstructive lung disease

يعني من غير ما أشوف العيان في المستشفى «
 لو علمنا اختبارات وطلعت النتيجة كده « نسبة اللي مبيخرجش (اللي مبيخرجش الي اسمه residual volume)
 قسمناه على ال total (اللي كان مجموع الأربع حجوم)
 طلع أكثر من ثلاثين في المية «
 شغل مخك «

يعني إيه 1/3 الهواء مش عايز يخرج
 السكة ضيقة مية المية

يقولك : دا عيان عنده chronic (مزمن)
 obstructive lung disease
 (chronic obstructive lung disease) COPD

إيه رأيك «
 دا مرض مشهور جداً عندنا في الطب « chronic obstructive lung (pulmonary) disease
 دا عيان عنده ضيق مزمن في سكة الهواء

حد حفظ الرقم ده ؟؟؟ امتي نقول العيان عنده COPD << chronic obstructive pulmonary disease
 لو النسبة ما بين ال residual volume إلى ال total lung capacity
 أعلى من 30 %

هيسألوك في الشفوي سؤال «

عايز أسمع ردكم كده ،

هيقولك : ال residual volume الي هو كام ملي ؟؟

1200 ملي لتر

هل ممكن يخرجوا من صدرك ؟؟؟ أخرجهم من صدرك ، مش يتجددوا يعني المقصود بالسؤال ؟؟ هل إنت تعرف تخرجهم ؟؟؟

مبيخرجوش

هيقولك : إنت كبني آدم قصادي أهو ،

متعرفش تخرج ال 1200 ملي لتر ، فيه طريقة واحدة بس ، ممكن ال 1200 دول يروحوا خارجين ؟؟

لو لغينا الضغط ال negative الي حوالين الرئة

كنا سمينها إيه المرة الي فاتت ؟؟؟

pneumothorax

فاكر لما حكيتلك ، ودخل هواء ما بين طبقتين البلورا ، (Pneumothorax)

كانت الرئة بتتطبق ، وال chest wall بيتنفخ علطول

مكتوب عندهم ، ودا سؤال شفوي مهم

إزاي نخرجهم (كلمة expulsion يعني نخرجهم) ؟؟؟

قولوله : لو حصل pneumothorax في العيان

هو الطبيعة يا أولاد ، ما بين طبقتين ال pleura فيه إيه ؟؟؟

fluid

لو دخل هواء ، معدش الضغط negative دلوقتي

الرئة تتطبق علطول ، يخرج ال 1200 ملي لتر

أقولك حاجة ،

حتى في حالة ال pneumothorax والرئة اتطبقت

مفيش حاجة اسمها 1200 ملي لتر يخرجوا على الآخر ،

بيتبقا جوا الرئة دائماً حبة هواء قليلين ، بيسموهم minimal air

دي مهمة أوووي

يعني حتة إنك تعرف تخرج ال 1200 ملي لتر دي never

حتى لما الرئة تتطبق

إنت عارف شوية الهواء دول ، الي بيفضلوا جوا الرئة

الي سميناهم minimal air

يكفوا لو إنت أخذت الرئة الي اتطبقت دي أو حتة منها ، وحطيتها على سطح مية ،

يعني حتى الرئة دي لما تتطبق ،

مش هتخرج ال 1200 كلهم ، بيتبقا فيها حبة هواء صغيرين ، 50 ملي ، ولا 60 ملي

يعني ال 1200 هيصففوا على حبة صغيرين

اسمهم إيه الصغيرين دول ???

minimal air

دول يكفوا «

لو أنت أخذت الرئة اللي انطبقت « أو حته منها « وحطيتها على سطح مية «

تطفو « (لأن فيها هواء)

الحكاية دي مهمة أوووي في الطب الشرعي «

medico legal

إن شاء الله لما تفتحوا الكتب وتقرأوا فيها الكلمة دي « (Medico legal) يعني الطب الشرعي

legal يعني قانوني

medico يعني الطب

قانون الطب « اللي هو الطب الشرعي

مش تسمع يقولك : دا دكتور طب شرعي في صفحة الحوادث

يقولك : وأقر الطب الشرعي

هتأخذه في سنة رابعة إن شاء الله (Forensid) الطب الشرعي

يعلموكم بقا أنواع الرصاص « وإزاي تعرف إذا كانت مُنتحر ولا واحد حطله مسدس في إيديه

واللي عور نفسه « وحاجات كتيرة

وجميل بصراحة

لما هتدرسه إن شاء الله

هتتعرف إنك هتتكشف هتتكشف « لو عملت أي جريمة

يعني ملكش حل « طيب

إيه بقا قصة الطب الشرعي هنا ???

استفادوا إزاي من حته ال Minimal air دي في الطب الشرعي ???

القصة المشهورة يا أولاد «

قصة الخادمة اللي اتجوزت الراحل الغني « (قصة تاريخية ومشهورة) قصة مكررة

الخادمة اتجوزت الراحل الغني «

الخادمة دي أصبحت حامل «

الراحل الغني ده توفي قبل ميعاد الولادة «

معلش هي الحياة كده « يوم حلو ويوم مر

استنى بس اسمع « عشان القصة مهمة «

أقارب الزوج بهمهم جداً يعرفوا نتيجة الحمل ده إيه « بمعنى

إنت عارف لو الست دي خلفت عيل « والعيل عاش ثانية « وبعدين مات

المفروض الورث كله بتاع الأب بيتنقل للعيل ده (بعد ما والد الأب وأم الأب والزوجه يأخذوا نصيبهم يعني)

و العيل الصغير لو مات « يبقى الورث بالكامل ينتقل لأقاربه « بقا ممكن أمه وكده

إنما لو العيل ده مولود ميت «
طبعاً المعظم هيروح لأقارب الزوج « ونسبة ضئيلة الي هتروح للست الغلبانة دي

إذاً العيون كلها معلقة على نتيجة الحمل
دا الموضوع فيه ورث « والموضوع كبير

وحانت ساعة الولادة «
العيل أول ما اتولد « أقارب الزوج قالوا نشوفوه «
راحوا قاعدين عليه فطسوه ☹ (مات يعني)

وقالوا : دا مولود ميت
طبعاً « معلش ما الطمع وحش
موتوه يعني

قالوا : دا مولود ميت
الست وأقارب الزوج « لجأوا إلى الطب الشرعي

الدكتور بقا في الطب الشرعي علمنا نحدد «
هل فعلاً الطفل مولود ميت « ولا هما قعدوا عليه فطسوه « ما لازم يعرف الطب يعني

فيقولهم كلهم :
مخدش يروح استنوني بره لو سمحتوا
هيطلع العائلتين بره « أو الخادمة والعائلة بتاعت الزوج المتوفي بره
ويأخذ الدكتور الطفل المييت ده
بيعمل إيه بقا ???
بيروح واخذ حته من الlung بتاعته

(ما الطب الشرعي « بيشرحوه خالص الجثة)
خدوا حته من الLung بقا «
عمل إيه بقا دكتور الطب الشرعي « جاب كوباية الميية ☹ الي شرب منها الصبح ☹

بصوا يا شباب ☺
لو العيل ده فعلاً مولود ميت « مخدش ولا نفس
بيقا الرئة بتاعته لسه مفيهاش هواء خالص
minimal air

خدنا حته الرئة حطيناها على كوباية الميية « راحت واقعة تحت
بيقا الرئة دي فعلاً مفيهاش هواء «
بيقا العيل ده متنفسش ولا نفس
دا مولود ميت

لو العيل < born < dead < حته الرئة بتنزل لتحت

ولو حنة الرئة نزلت جوا الكوباية «
أقارب الزوج يطعلوا براءة
عندهم حق «

أما بقا لو العيل ده لو خد نفس واحد وبعدين اتقتل «
يبقا عنده residual volume
يبقا لما كنا نخرج الرئة من صدره « عنده شوية هواء صغيرين كده
minimal air اسمهم

ساعتها بقا « يروح دكتور الطب الشرعي واخذ حنة الرئة
الرئة دي اللي فيها حبة هواء «
يلاقي حنة الرئة بتطفو فوق سطح المية

عارف لو حنة الرئة طلعت فوق المية
أقارب الزوج هما اللي قعدوا عليه فطسوه
killed bone life وبعدين

الكلام ده « بيسموه medico legal « الطب الشرعي
يبقا أسمع منكم الإجابة بقا
هل ممكن ال residual volume فيه طريقة يخرج بيها ???
أيوة « لو حصل Pneumothorax

هل لو حصل pneumothorax « ال 1200 ملي « كلهم يخرجوا ???
لا « فيه شوية Minimal air
يكفوا إن الرئة بتاعتك تطفو على سطح المية
الحكاية دي كانت مهمة Medico legal (الطب الشرعي)
فهمتوا قصة الخادمة والسيد « والقصة العجيبة دي
ندخل على سؤال مهم آخر (سؤال نظري مهم)

Dead Space الحجم الميت

دا كلام مهم أوووي
الساعة السابعة و48 دقيقة مساءً أقوم أتفرج على ماتش الزمالك والإسماعيلي
ورجعت ثاني يوم « ومتفرجتش غير على الشوط الأول « كان فيه أداء غير طبيعي أجبرني إني مكملش الماتش « المهم الزمالك كسل
وبدأنا في حملة ال2 Millions till 28 Feb. 2014 إن شاء الله « وربنا يبسر وتكمل زي ما في الحلم
السؤال لما يجيلك عن ال Dead space «
الإجابة 5 نقط « عشان تقفل بيهم الدرجة إن شاء الله
بيقولك : الكائنات اللي على وجه الأرض وقفت تحسد البني آدم (human being)
الكائنات كلها بتعدي على البني آدم تقوله : يا بختك « يا حظك « كل نفس بتأخذ من الجو 500 ملي هواء
(ما هو دا ال tidal volume اللي اتعلمناه)
كل واحد من الكائنات « مَعْدِي على البني آدم يقوله : يا بختك « يا حظك « يا هناك « بتأخذ 500 ملي هواء في كل نفس

ثبت في سنن الترمذي وابن ماجه أن النبي " صلى الله عليه وسلم قال " أفضل الذكر : لا إله إلا الله ،، وأفضل الدعاء : الحمد لله " قال تعالى " لَنَ شَكَرْتُمْ لَأَزِيدَنَّكُمْ "

مكتوب عندكم إن دا النوع الثاني « اللي بيسموه alveolar dead space »
دا مرض «

مجموع الأثنين على بعض «

anatomical وال alveolar

هو دا اللي بيسموه physiological dead space

هما في الشفوي يقولوا : قولولي ال 3 أنواع بتوع ال dead space
لو مش مركز في الشرح هتوه « فركز الله يكرمكم

كلنا عندنا هواء أخذناه « موجود من أول مناخينا « إلى أول الveoli
النوع ده اسمه anatomical dead space

مرض بقا « يعني مش طبيعي « إن واحدة من الveoli عندها هواء
بس الدم مش موجود

النوع ده من ال dead space نسميه « alveolar

نجمع الأثنين يطلع

ال physiological dead space

يعني المفروض البني آدم الطبيعي « ال physiological تساوي

anatomical

المفروض معندكش المنظر بتاع ال non functioning alveoli

قولي أساميهم كده ؟؟؟

بيقا إنت عندك 3 أنواع dead space

اللي هما مين ؟؟؟

• anatomical

• alveolar

• ومجموع الأثنين يدينا « physiological dead space

تعال نقيسه «

بس لو سمحت اكتب في كتابك « جنب ال measurements

أسماء غازات الجو «

الطريقتين اللي هقيس بيهم ال dead space « بأسماء غازات الجو

حد فاكّر أنا قست ال residual volume بغاز إيه ؟؟

الهيلىوم

كان اسمها إيه الطريقة ؟؟؟

dilution

متدخلوش المواضيع في بعض
هنا عندنا لقياس ال dead space طريقتين «
وطريقتين شوية تُقال « محتاجين تركيز عشان تفهموهم كويس ياذن الله

عشان تفتكر « الطريقتين اللي هنقيس بيهم ال dead space
فيه طريقة اسمها طريقة النتروجين «
مكتوب عندكم single breathe (يعني نَفَس واحد)
ودي عاملها خوجة اسمه فولر «

وفيه طريقة ثانية طريقة ال CO_2 «
ودي عملها الخوجة بوهلر « ودي عملها معادلة (equation)

بيقا لو خدت بالك «
فيه عندك فيه طريقتين «
• طريقة النتروجين
• وطريقة ال CO_2
خلي بالك الأثنين أهم « أسماء غازات في الجو اللي بحكيلكم عنهم
أسماء الطريقتين بأسماء غازات حواليك

تعالوا نمسك أول طريقة «
طريقة النتروجين « متقرأش أي شيء غير اللي بقوله دلوقتي «
طريقة النتروجين فكرتها إيه ???
الطريقة دي يا أولاد « إحنا بنستخدم فيها جهاز ثمنه غالي أوووي
ثمنه بيوصل لقرب المليون « (هتعرف ليه ثمنه غالي كده)

الجهاز دا موجود عندنا أهو «
(على فكرة أنا هشرحها مرة واحدة « بس ركز لأنها بتأخذ وقت شوية « يعني لو مفهمتش بعديها روح ،أو أقرأ التفريغ تاني إن شاء الله
هتفهمه « بس ادعيلنا الله يكرمك عشان محتاج دعوتين « مش هقول مرتين بقا)

أدي الجهاز بتاعي أهو «
اللي ثمنه غالي «
الجهاز دا هعبيه (هملأه يعني) أوكسجين « ودي تلخبط
الطريقة اسمها طريقة النتروجين « ومع ذلك الجهاز بتاعي هملأه Pure oxygen
هتفهم بعد شوية « ليه سموه نتروجين
بس افهم اللي بقولها دلوقتي

الجهاز دا طالع منه خرطوم كده «
ممکن العيان يتنفس منه « زي ما هحكلك التجربة بتحصل إزاي إن شاء الله

بيقا أول حاجة عايز أعلمهاك « في الطريقة
إن الجهاز اللي ثمنه غالي «
الطريقة دي اسمها طريقة النتروجين « والجهاز حطينا فيه pure oxygen (أوكسجين بس)

الشخص يا أولاد هطلب منه حاجة ،
هقوله : خُد نفس من الجهاز ، على مهلك

فتلاقي الشخص ، راح واخذ (والجهاز بيطلع أوكسجين بس)
هتلاقي الشخص ، خد نفس عادي يعني ،

أقوله خرج ثاني النفس في الجهاز ، واحدة واحدة
وبعد ما يخرج النفس أقوله : شكراً ، التجربة خلصت

إنت عارف ليه الجهاز ده تمه مليون؟؟؟
لأنه بيقدّر يقيس تركيز النتروجين في الهواء اللي بتخرجه ،
عشان كده تمه غالي

نتروجين !!!
أنا مش شايف نتروجين جوا الجهاز

لا ، أنا هحكيلك يا بابا
إحنا الجو اللي حوالينا ده ، كام في المية أوكسجين؟؟؟
قول 20 %

وكام في المية نتروجين؟؟؟
قول 80 %

وال CO_2 تقريبا مفيش
وهتلاقي مكتوب التركيزات عندكم في الكتب يعني
مثلاً ال CO_2 تركيز 0.04 % ، تقريباً مفيش
حوالي 80 % نتروجين
و 20 % أوكسجين

طيب ،
يا أولاد ، الواحد منّا ، لو عمل التجربة دي ، بصوا بيعمل إيه؟؟
أولاً سعادتك بعد ما خرجت الهواء من صدرك العادي
(أي واحد فينا بيتنفس ، خد ال 500 ملي لتر هواء وخرجهم ، جوا صدرك دلوقتي ، فيه 1100 و 1200 ملي لتر)
ال 1100 و 1200 دول ، سعادتك بتتنفسهم من الجو
يعني أكثر غاز موجود حواليك كان مين دلوقتي؟؟؟
النتروجين

إذاً الشخص لما يعمل التجربة ،
جوا ال alveoli بتاعته فيه نتروجين ، أعلى تركيز نتروجين جوا

مش يا بابا ، إحنا اتفقنا
إن فيه 1100 و 1200

يعني 2300 ملي لتر يبقعدوا جوا
وانت أصلاً بتتنفس من الجو ، يبقا النتروجين موجود جوا

ال dead space دي بتبقا فاضية (ال anatomical دي)
يعني سعادتك لما بتخرج هواء ،
دلوقتي أنا عندي 2300 جوا ال alveoli الي هو فيهم النتروجين العادي ده
وال dead space بتاعتي فاضية

الشخص ده لما أنا طلبت منه ، يأخذ أوكسجين ،
الأوكسجين ، شوية دخلوا جوا على ال alveoli ، كويس
والباقي ملأ ال dead space (ال anatomical الي إنت عايز تقيسها ، الي هي من أول المناخير إلى بداية ال alveoli)

أسمع منكم ،
يبقا ال dead space دلوقتي في التجربة دي

فيها إيه ؟؟؟

أوكسجين بس

والنتروجين موجود فين دلوقتي ؟؟؟

في ال alveoli

هعيد التجربة ثاني من الأول ،

بس متطلبش مني بعد ما أخلص شرحها وأقفل ، أعيدها من جديد

معنديش وقت ،

من الأول ثاني ،

الشخص يا أولاد ، إحنا في التجربة دي هنقيسله ال anatomical dead space

الي إحنا اتفقنا موجود من أول المناخير إلى بداية ال alveoli

الطريقة دي بتاعت الخواجة فولر بتاعت النتروجين

أرخم حاجة في الموضوع إن الطالب بيتخلبط

إن إسمها طريقة النتروجين ، ومع ذلك الجهاز الغالي الي بنستخدمه بنملأه pure oxygen

الشخص قبل التجربة ، بيتتنفس من الجو ،

يعني بيستخدم نتروجين 4/5 الهواء و ال 1/5 أوكسجين يدوب

الشخص ده ،

لما نقوله : خَرَجَ الهواء عادي ، متنفخش ولا حاجة

هيتبقا جوا صدره ال 1100 و ال 1200

دول نتروجين أساساً ، حبة أوكسجين تافهين ، لأن الجسم استخدم المعظم خلاص

مش كده ولا إيه ؟؟

مش جسمنا استخدم الأوكسجين بتاع النفس الي قبله

ال alveoli دلوقتي فيها نتروجين ،

ويروح مَخْرَجَ هواء ،

يبقا دلوقتي عنده نيتروجين جوا صدره ، وال dead space فاضية الي إحنا عايزين نقيسها
نقله خُذ نفس « من الجهاز »
بيأخذ أوكسجين

الأوكسجين الي خده « الي راح ال alveoli
الجسم هiestخدمه »

يبقا ال alveoli فيها إيه دلوقتي؟؟؟
نيتروجين

بقية الأوكسجين « راح مالي المسافة من أول المناخير إلى أول ال alveoli
الي هي اسمها anatomical dead space

محدث يسألني فين الأوكسجين جوا ال alveoli
يا حبيبي « ما الجسم هياأخده
الأوكسجين الي جوا ال alveoli هيعدي على الدم

يعني الي فاضل دلوقتي جوا ال alveoli « فاضلك النيتروجين
الشخص دا بقا «
بعد ما خد النَّفَس ده « أقوله : خرّجه ثاني « بس واحدة واحدة

الجهاز وظيفته في الدنيا « يقيس تركيز النيتروجين في الهواء الي خارج «
حلو «
أول هواء البني آدم هيخرجه « الهواء الي هيخرج في الأول « فيه أوكسجين بس
دا الهواء بتاع مين؟؟؟
ال dead space

وأخر هواء هيخرجه فيه إيه بس؟؟؟
نيتروجين
دا بتاع مين؟؟؟
ال alveoli

خلي بالك «
فيه حته ما بينهم كده « ما بينهم خليط من الأثنين
حتة كده transitional
حتة تبع ال dead space « وحتة تبع ال alveoli

يبقا البني آدم ده لما هيخرّج «
الأول هيخرّج الهواء بتاع ال dead space
في الآخر يخرّج الهواء بتاع ال alveoli

ما بينهم يخرّج الحته ال transitional « حبة أوكسجين مع حبة نيتروجين

اللي هي نصها تبع دي ونصها تبع دي
دا خليط من الأثنين
طيب «

أنا لغاية دلوقتي مش عارف « هيطلع إزاي ؟؟؟!!!

فيه curve صغير « بنرسمه إحنا «
ال curve دا طبعاً علينا حفظه « بص ال curve ده عبارة عن إيه ؟
ال curve ده عبارة عن علاقة ما بين الحجم اللي بتخرجه (expired air) اللي سعادتك بتخرجه (ال volume بتاعه «
وما بين تركيز النتروجين في الهواء ده (expired air)

بصوا يا شباب «
إنتوا بتقولوا أول حبة هواء البني آدم هيخرجها « pure oxygen
مفيهاش نتروجين
أول 100 ملي هواء « المكتوب عندكم (0.1 لتر)
دا مفيهوش نتروجين خالص «
أقدر أكتب عليه الهواء دا بتاع مين ؟؟؟
dead space
تمام ☺

ال 100 ملي اللي وراهم «
خلي بالك ال 100 ملي اللي وراهم الحته ال transitional
هلاقي تركيز النتروجين عمال يعلّى بالتدريج

إحنا اتفقنا الهواء ده « نصه تبع ال dead space
ونصه تبع ال alveoli
يعني حته ما بينهم

من أول 200 ملي وطالع «
تركيز النتروجين وصل لأقصاه
تفتكر دا الهواء بتاع مين علطول ؟؟؟
ال alveoli
بصوا يا شباب ☺
دا ال alveolar air

بيقا أول 100 ملي هواء مكنش فيهم نتروجين خالص
دول مية المية dead space

من أول 200 وأنت مكمل « كلهم alveoli

فاضل المية اللي في النص « أعمل فيهم ؟؟؟ العدل يقول إقسمهم بالنص

نصها يكون تبع ال alveoli
ونصها تبع الي قبلها

هاااا

دي مية (بتوع ال dead space الي في الأول)
ونص المية الي وراها (الي هما بتوع ال transitional) يبقوا خمسين

يبقا على بعض

ال dead space يطلع كام ؟؟؟

150 ملي لتر

أدي يا عم إزاي وصلوا لحسبة ال anatomical dead space

هقولها آخر مرة بقا ،

بس أكثر من كده مقدرش ، بس من خلال مناقشة معاك

الواحد مننا لما بيخرج الهواء دلوقتي من صدره ، ال dead space فاضية وال alveoli فيها حاجة واحدة ، نتروجين

الله ، أومال فين الأوكسجين الي كان فيها ؟؟؟

ما راحت يا ابني جوا ، معدش في ال alveoli غير نتروجين

وال dead space فاضية

الطريقة اسمها طريقة النتروجين ونفس واحد

ومع ذلك مبنستخدمش نتروجين فيها

بنملاً الجهاز إيه ؟؟

pure oxygen

الشخص لما يأخذ نفس ، الأول الأوكسجين هيروح داخل على جوا ،

راح عند ال alveoli ، والأوكسجين راح الدم

يعني معدش فيه أوكسجين جوا بردو

بقية الأوكسجين يملأ ليك الحتة الي فوق

الي هي ال anatomical dead space

أقول للشخص خرج ،

هيخرج الهواء بتاع مين ؟؟؟

ال dead space

وفي الآخر هيخرج الهواء بتاع ال alveoli

ما بينهم transitional (حنة تبع ال anatomical dead space وحتة تبع ال alveoli)

هنلاقي فيها الأثنين ، أوكسجين ونتروجين

قولنا نعمل curve لتكرز النتروجين الي خارج

أول 100 ملي ، ملقناش نتروجين خالص

أصل ده الهواء بتاع ال dead space

ما بين 100 و 200 «
تركيز النتروجين بيزيد « دا بتاع الحنة ال transitional

بعد 200 ملي « النتروجين وصل لأعلى تركيز
دا بتاع ال alveoli مية المية

قولنا المية الأولانية « هي ال dead space
واللي فوق ال 200 أكيد الveoli
طيب المية اللي في النص ؟؟
العدل يقولك : إقسمهم « خمسين لده وخمسين لده

بيقا 100 + 50 = 150 ملي لتر
طلعت مية وخمسين ملي لتر

اسمها إيه الطريقة دي بقا ؟؟

طريقة النتروجين

خدنا كام نفس فيها ؟؟؟

نفس واحد

مين الخواجة اللي عملها ؟؟؟

فولر

الحنة دي anatomical ولا physiological ؟؟؟

anatomical

سهلة كده إن شاء الله ؟؟ ياذن الله

فيه الطريقة الثانية بتاعت بوهر « لذيدة بصراحة بتاعت ال CO₂

اللي حط معادلة (equation)

معتمد على فكرة صغيرة أووووي أووووي

بص كده ☺ دي أسهل من الأولانية

خلي بالك هنا « بوهر « قالك : أنا هقيس الكل بقا « اللي هو

ال Physiological dead space اللي هو مجموع مين زائد مين ؟؟؟

ال anatomical و ال alveolar

قالك : أنا هقيس الكل بقا «

خلي بالك عشان ده سؤال M.C.Q.

الأولاني قاس ال anatomical

الثاني قاس كله « Physiological

طريقة الخواجة بوهر بتعتمد على معلومة سهلة أووي

إيه هي ؟؟؟

اسمع كده ☺

يقولك : عمر ما كان ال expired air « اللي خارج من مناخيك ده » عبارة عن alveolar air وبس (يعني هواء كان جوا ال alveoli وبس)

ال expired air اللي خارج منك ده يا أولاد « عبارة عن ال alveolar air زائد الهواء اللي كان في ال dead space سواء بقا كان anatomical أو alveolar

معلش ركزوا في الجمل «
الكلام دا مش مكتوب

ال expired air بتاعك « عمره ما كان الهواء اللي جوا ال alveoli وبس
الهواء اللي خارج من مناخيك « عبارة عن ال alveolar air زائد الهواء اللي كان في ال dead space

اسمع كده الأرقام دي « والأرقام دي صحيحة
مرسوم عندكم في الكتب الأرقام دي
يقولك : تركيز ال CO₂ جوا ال alveoli « 6 %
الأرقام دي صحيحة خلي بالكم «

تركيز ال CO₂ في الهواء اللي خارج من مناخيك « 4 %
دي مش أمثلة «
دي أرقام صحيحة

أنا عايز طالب ناصح بيفكر «
واضح إن الهواء وهو خارج من صدرك على بره « اتخفف «
عارف مين خففهولك؟؟

ال dead space
إنت عندك التركيز جوا 6 % « تركيز ال CO₂ جوا ال alveoli

الهواء اللي خارج تركيز ال CO₂ « 4 %
بيقا ال dead space خففته

السؤال دلوقتي «

هي خففته « بنسبة كام في المية؟؟

أديلك مثال عشان تفهم ال dead space « خففت الهواء الخارج دا أد إيه «

نفترض إن النهاردا كان معاك 6 جنيه

خرجت تتفسح بيهم ☹

قعدت تصرف تصرف تصرف

روحت بأربعة جنيه في الآخر «

تعرف تقولي « إنت كان معاك 6 جنيه « وروحت بـ 4 جنيه «

تعرف تقولي اللي صرفته يمثل كام في المية من المبلغ اللي كان معاك « أد إيه تقريباً؟؟

ال 1/3

عرفت مين الي صرفته هو ال 1/3؟؟؟

طرحت أربعة من ستة

كان معاك ستة جنيه «

قولت المبلغ الي كان معايا ستة « الي اتبقا أربعة «

الفرق ما بينهم 2 جنيه

قسمته على المبلغ الي كان معايا في الأول « يطلع 0.333333 (1/3)

إسمعنا دي تجاوبوها صح «

وأقولك ال dead space اتخففت أد إيه تقولي معرفش ☹

هي هي

ال dead space خففت كده «

ده كان 6 % « أد ي يا عم ال alveolar CO₂

اطرح منها ال 4 % « أد ي ال expired CO₂

يطلعك 2 % اتخففوا « على ال alveolar CO₂

(ستة ناقص أربعة) الكل على (ستة)

بيقا خففته بنسبة 1/3

إسمعنا جاوبت المثل بتاع الفلوس بسهولة «

هي نفس الفكرة «

إنت عارف لو عندي « كوباية عصير « حطيت عليها مية

وقولتلك المية خففته بنسبة ال 1/3

إنت علطول بتستنتج إن 1/3 الكوباية دي مية

نسمعها ثاني «

أنا لما أقولك عندي كوباية عصير (دا مش فسيولوجي)

لما أقولك عندي كوباية عصير « حطيت جواه مية « المية خففت العصير بنسبة الثلث

بيقا 1/3 مية و 2/3 عصير مفهوم علطول

مفهوم إن تلتها مية « خففتها ال 1/3 يعني

لما أقولك ال dead space خففت الهواء الي خارج بنسبة الثلث «

بيقا ثلث الهواء الخارج «

الهواء الخارج ده كان اسمه إيه؟؟ الي أنا بأخذه أو بخرجه في النفس « كان اسمه إيه؟؟

tidal volume

الي هو كان كام ملي؟؟؟

500 ملي لتر

كوباية العصير «

العصير متخفف بنسبة الثلث « يبقا 1/3 الكوباية دي مية

ال dead space خففت الهواء الي خارج بنسبة الثلث «
يبقا ال dead space ال 1/3 الي خارج

الخارج ده «

كان النفس الي بأخذه أو بخرجه « كان اسمه tidal volume
ال 1/3 tidal volume

تعالوا نحسبها «

إنت عارف لو جيت دي على الآلة الحاسبة بتاعتك

هيطلعلك كده « 166.6666

لو قسمت 500 على 3

شكله حلو على الآلة الحاسبة « ابقى روح اتفرج عليه في البيت

واحد وجنبه ستات ☺

166.666666666

مكتوب عندكم ال normal standard

طلع « من 150 لكam عندك ؟؟

166

ال 150 دا بأنهي طريقة ؟؟؟

فولر «

وال 166 بأنهي طريقة ؟؟

بوهر

يبقا فيه عندك كام طريقة لحساب ال dead space ؟؟

طريقتين

طريقة النتروجين « الجهاز كان بنملأه Pure oxygen

اسم الخواجة الي عملها ؟؟؟

فولر

كان بيقيس أنهي ال dead space ؟؟؟

ال anatomical dead space

الطريقة الثانية بتاعت ال CO₂ « بتاعت بوهر «

بتقيس أنهي ال dead space ؟؟؟

physiological

آخر نقطة في ال dead space « إيه أهميته ؟؟؟

فاكر قصة « كندا والكويت ومصر ؟؟؟

كان في كندا « كان بيعمل إيه ؟؟

« warming

اكتب على ال warming << كندا

كان في الكويت يعمل إيه ???

moist

مصر الحبيبة ???

filter

ال importance يا شباب ???

بيقولك : فيه أهمية ثانية للـ dead space «

هي اللي خلت فيه فرق ما تركيز ال expired air « وال alveolar air

أيوه تركيز ال CO₂ في اللي خارج < 4 %

وفي ال alveoli < 6 %

والله أنا مش شايف إن دي أهمية « أكثر منها حاجة أكاديمية أوي يعني

مكتوب عندكم في الكتاب كده «

هي اللي خلت فيه فرق في التركيز ما بين ال expired « وال alveolar

لأنها خففته

هتقولي : أنا راجل هفتح عيادة « أنا بأخذ كشف من العيان بكشف عليه « يفيدني بإيه موضوع dead space ??? غير الكويت وكندا

ومصر؟؟ والكلام من ده ???

أقولك :

إحنا ياما هيعدي علينا عيانيين بيتتنفسوا rapid shallow

تنفس سريع وغير عميق

مكتوب عندكم

إن فيه عيانيين بيتتنفسوا shallow and rapid

shallow يعني غير عميق

تلاقي العيان بيتتنفس عندك كده في العيادة « تنفس سريع وغير عميق

السؤال دلوقتي «

هل النفس كونه rapid « يعوض كونه shallow ؟؟

لا

عارف ليه ???

وهتبتالك بأرقام دلوقتي متقلقش

لأن الشخص يا أولاد اللي بيتتنفس تنفس سريع وغير عميق « عمال يجدد الهواء بتاع ال dead space

وهل ده بيحصل معاه gas exchange ???

لا «

مستفدش حاجة

بيقا التنفس كونه rapid « مش هيعوض إنه مش عميق

العيانين دول هنجدهم إنهم بيعانوا من نقص أوكسجين الدم

إسمها إيه الحالة دي ؟؟

hypoxia

hypoxia ال كانت نقص أوكسجين عند tissues
بسبب نقص أوكسجين الدم
hypoxic hypoxia

العيان عندي اللي بيتنفس تنفس سريع ، وغير عميق
دا عمال يجدد الهواء بتاع ال dead space
يا فرحتي إنه بيجدده ، ما دا مفهوش gas exchange أصلاً
دا بيقا عنده hypoxic hypoxia
هتبتالك بأرقام بعد دقائق إن شاء الله

اكتبوا على ال pulmonary function tests
نظري فقط ،

Pulmonary Function Tests

اختبارات وظائف الرئة
دي بنعملها لو العامل ده هيتعين عندنا في مصنع ولا في شركة
بيعملوله اختبارات وظائف الرئة ، وفيه حاجة اسمها الكشف الدوري على العمال
نظمن إن العمال ، الرئتين بتوعهم سُلام ولا لا

مكتوب عندكم فيه 5 حاجات بنعملهم في ال pulmonary function tests
دول بنعملهم لل workers عشان نشوف قدرتهم على العمل
أول واحدة اسمها pulmonary ventilation

Pulmonary ventilation

أول واحدة دي يا أولاد اللي هتبتلكم بيها ، حته إن النفس كونه rapid ، مش هيعوض كونه shallow
رياضياً ، عشان تقتنعوا أكثر
بصوا يا شباب معايا ☺

تعالوا نحسب كده الهواء اللي بيدخل جوا الرئتين ، في كل واحد فيكم ،
حاجة اسمها pulmonary ventilation
سعادتك بتنفس في الدقيقة ، قولنا من 12 إلى 16 مرة
قول 12 مرة

قولنا في النفس بتأخذ أد إيه ؟؟؟
500 ملي لتر ، (اللي هو نص لتر يعني)

تطلع الحسبة كام ؟؟
6 لتر في الدقيقة

خلي بالك ، دا الهواء اللي داخل جوا الرئتين ،
أنا ميهمنيش اللي داخل جوا الرئتين أد إيه ، أنا يهمني الجزء اللي رايح لل alveoli
تعالوا نحسبه لوحده ، لأن ده اللي بيحصل معاه gas exchange في الدقيقة بردو
الحسبة في الدقيقة دائماً

إنت بتتنفس 12 مرة في الدقيقة هي هي
بس خلي بالك «
ال 500 اللي أخذتهم فيه حبة منهم مراحوش ال alveoli
سميناهم ال dead space
الي هما كانوا كام ملي ؟؟
150 ملي لتر

بيقا الي راح لل alveoli في كل نفس < 350 ملي لتر
بيقا في الدقيقة « لو ضربت 350 في 12
هتطلع 4.2 لتر في الدقيقة
مكتوب عندكم الرقم على فكرة

طيب « إيه رأيكم «
لو واحد بيتنفس تنفس shallow and rapid
shallow يعني غير عميق « عكس كلمة deep
تعالوا نحسبها ثاني نفس الحسبة «
نشوف الهواء الي بيخش جوا الرئتين أد إيه « واللي بيروح ال alveoli أد إيه في الحالة دي

خد عندك «
تخيل بقا واحد بيتنفس مش 12 « لا دا بيتنفس 24 مرة في الدقيقة
أظن واضح إنه rapid (العادي 12 مرة في الدقيقة)
بس كل نفس « لأنه مش عميق « بيأخذ 1/4 لتر هواء (250 ملي لتر وليس 500 ملي)

على فكرة 24 في 0.25
تطلع ستة لتر هي هي

يعني الهواء الي هيخش جوا الرئتين « هو هو « زي ال Normal
بس أنا ميهمنيش الهواء الي داخلك جوا الرئتين أد إيه «
أنا يهمني ال alveoli

تعالوا بقا على ال alveoli
نحسبها «
أربعة وعشرين مرة في الدقيقة «
إحنا ال 250 فيه منهم كام dead space ؟؟؟
150 ملي «

بيقا الي هيخشلك لل alveoli كام ؟؟
100 ملي لتر

اضرب كده على مهلك «
 $24 \times 100 = 2400$ ملي لتر
عكس الرقم الي فوق < 2.4 لتر

اقتنعوا رياضياً ، إن النفس كونه rapid
 مش هيعوض كونه shallow في البني آدم
 عشان كده العيانيين دول اللي تنفسهم سريع وغير عميق «عندهم حالة اسمهم نقط hypoxia ???
 hypoxic hypoxia
 بيعانوا من نقص أوكسجين

مكتوب عندكم تاني وتالت مجموعة من الإختبارات بنعملها الstatic و ال dynamic lung volumes
 بنعمل للعيانيين compliance « الكلام ده كله شرحناه الحمد لله
 فيه حاجة خمسة بنعملها للناس دول
 Assessment يعني تقييم
 regional lung function
 region يعني مناطق

Assessment regional lung function

عايزين نقيم المناطق المختلفة في الرئة ،
 فاكرين مرة قولتلكم الرئة عبارة عن حاجتين ، هواء ودم
 عايزين نطمئن على العيان ، الهواء أخباره إيه ، والدم أخباره إيه جواه

بنستخدم غاز مشع في التجربة ،
 اسمه الزنون 133 (Xenon)
 على فكرة الزنون صلوه أوله مش Z ، أوله حرف ال X

التجربة دي « Xenon »
 خلي بالكم عشان بييجي في الإمتحان في ال.M.C.Q.
 اسم الغاز اللي بنستخدمه الزنون ، لتقييم وظائف الرئة
 Xenon 133

بصوا يا شباب لو سمحتم ☺
 بجيب جهاز ال spirometer
 أعبيه Xenon مع الهواء العادي ،
 الشخص بيأخذ الهواء بالزونون (بيشمه)

الزونون يروح داخل جوا الرئتين بتوع البني آدم ، أقدر أجيب عداد جيكر بقا ، اللي بيكشف الإشعاع ده
 أمشيته على صدر البني آدم ،
 وأطمئن ، إن أي حنة وصلها Xenon ، يبقا وصلها هواء
 لأن الزنون ماشي مع الهواء

يبقا كأن الزنون ، لو الشخص استنشقه ، إحنا بنطمئن على الهواء اللي دخل جوا الرئتين
 مكتوب عندكم ، لو الزنون inspired «
 إحنا إطمئنا على الهواء في المناطق المختلفة (التهوية في كل حنة في الرئتين)

يبقا الزنون إذا استنشقه ، يقولك ال ventilation

هو هو العيان « أناديله بعد كام يوم « بعد ما المادة المشعة تختفي منه
أقوله « هحقنك زنون في الدم
(مش هيزره يعني « الكمية الصغيرة من المادة المشعة دي)

الزنون هيمشي في دم العيان «
هيزوح لكل الجسم من ضمنها الأوعية الدموية بتاعت الرئتين بتوعه

هنجيب عداد جيجر تاني «
أمشي على صدر العيان « أي حته طالع منها إشعاع بيقا راحلها دم
بيقا أنا كده اطمئنت على الدموية كمان بتاعت الرئة

بيقا لو الزنون حقناه «
مكتوب عندكم injected
يعني حقناه « يدليك فكرة عن الدم اللي راح للرئة أد إيه

أوعى تتلخبط «
الزنون لو شميناه « يدليك فكرة عن ال ventilation
لو حقناه (injected) « يدليك فكرة عن الدموية بتاعت الرئة

كده خلصت وظائف الرئة
فيه فقرة بيحي عليها M.C.Q. حته ال exchange of gas
فيه حاجتين في الجسم « بيتحركوا simple diffusion
اللي فاكر الكلام من ال introduction
ال simple diffusion دي يعني بدون قيد أو شرط « من التركيز العالي للتركيز المنخفض « لا carrier ولا غيره
مية وهواء «
دي قواعد عامة في الجسم

فيه حاجتين بيتحركوا جواك « simple diffusion
مشهورين أووي « مية و gases (أوكسجين و ثاني أوكسيد الكربون)

سيبك يا ابني من الكلام المكتوب «
أنا عايزك تفكر فيها «
فكر كده لو المية جوا جسم البني آدم « أو الأوكسجين أو ثاني أوكسيد الكربون «، عشان يخشوا الخلية ويخرجوا منها
محتاجين carrier و ATP
كنا هنلاحق عليهم ATP منين دا كله !!!!

بلاش «
محتاجين بس carrier حتى !!!

مكناش هنكفيهم «
عشان كده يا أولاد « ربنا خلى الحاجات دي تعدي simple diffusion

حركة الغازات عندك جوا الجسم « من غير قيد ولا شرط
من التركيز العالي إلى التركيز المنخفض
أو من ال Pressure العالي إلى ال pressure المنخفض

كان زمان يجيبوا مسألة «
لأحسن ترد تاني ويرجعوا يجيبوها «
المسألة عبارة عن إيه «
يقولك : لو إحنا جينا باروميتر « (عارف الباروميتر « الي بقيس الضغط الجوي)
إدالك قراءة «

عارف قراءة الباروميتر دي عبارة عن إيه ؟؟؟

مجموع ضغوط كل الغازات الي حوالينا « مضافاً إليه ضغط بخار المية (water vapor pressure)

يعني بص وركز معايا يا دكتور لو سمحت ☺
نفترض إن جهاز الباروميتر « حطناه دلوقتي في الأوضة عندنا
دلوقتي قرأ 760 ملي متر زئبق

القراءة دي عبارة عن إيه ؟؟؟

عبارة عن مجموع كل الضغوط « أوكسجين ونتروجين وأنا قولتلك فيه حبة CO₂ قليلين مكتوبين 0.04 %
مضافاً إليه ضغط بخار المية (water vapor pressure)

اسمع كده «
هيدريك في الإمتحان الرقم ده «
760
هيقولك : إذا علمت إن ال water vapor pressure (ضغط بخار المية) في الأوضة دلوقتي عندنا 60 ملي متر زئبق
تفتكر لو طرحت دي من دي «
هيطلع 700

تمثل إيه ال 700 ؟؟

مجموع ضغوط كل الغازات بقا الي في الأوضة
دي أول خطوة في حل المسألة دي لما كانت بتيجي في الإمتحانات

اقرأ كده إيه هي الخطوة «
إن أنت لو عايز تجيب مجموع ضغوط كل الغازات الي في الأوضة « الباروميتر ناقص ال water vapor pressure
فالخطوة دي رقم واحد

طلعت كام مجموع الضغوط عندكم ؟؟؟

700 ملي متر زئبق
خلي بالك دي مجموع ضغوط الأوكسجين والنيتروجين وحبة ال CO₂ القليلين

نفترض جه قالك في الإمتحان بقا «
إذا علمت « إن تركيز الأوكسجين في الأوضة « 20 %

تعرف تقولي ضغط الأوكسجين دا كام؟؟

إنت عارف إن الـ 700 دي مجموع كل الضغوط ،
اللي هي من ضمنها الأوكسجين والنتروجين و حبة الـ CO₂

والأوكسجين لوحده ، 1/5 الغازات الموجودة
20 %

بيقا لو حببت أجيب ضغط الأوكسجين ضغط
أضرب إيه في إيه ولا أقسم إيه على إيه ولا أعمل إيه؟؟

700 في 20/100

مكتوب عندكم تاني خطوة ،

إزاي أجيب ضغط أي غاز بقا ، اللي هو الـ partial pressure بتاع الغاز
اللي هو ضغط الغاز لوحده

ورقم دي رقم اتنين

أضرب مجموع الضغوط كلها في تركيز الغاز

20/100 X 700

يساوي 140

عرفتوا إزاي يا أولاد تحلوا المسألة دي لو جت
دي بقالها سنين مجتش ، خمس ولا ست سنين لما جت
عرفت هتعمل إيه؟؟
هيدريك 3 أرقام كده ،

أول حاجة بتجيب إزاي مجموع ضغوط كل الغازات ،
اطرح الـ water vapor pressure من الضغط اللي مديهولك بالباروميتر
كده إنت جبت مجموع ضغوط كل الغازات

إذا قالك إن غاز منهم زي الأوكسجين 20 %

إزاي أجيب ضغطه؟؟

اضرب الـ 700 اللي طلعتك ، في 20/100

تعالوا نروح لموضوع بسيط ،

وخذته في الـ introduction

والكلام ده كله M.C.Q.

Diffusion of Gas

حد فاكر الـ diffusion rate أول حاجة حصة ،

الدكتور ناجي علمك ، إن الـ diffusion rate كانت بتتناسب direct proportion مع 3 حاجات فاكرهم؟؟

1. concentration gradient

2. pressure gradient

بتكلم على الغازات

مش إنتوا الدكتور ناجي علمكم ، إن ال along gradient ده ممكن يكون من التركيز الأعلى للأقل concentration وإيه كمان ؟؟؟

3. temperature « إيه كمان ؟؟

4. surface area

الحمد لله الذاكرة إبتدأت ترجع

وكان inverse proportion مع حاجتين :

1. distance اللي هو التخن

2. وال molecular weight

الكلام ده M.C.Q.

هنتفرج على حركة الغازات «

Gaseous Medium الوسط الغازي

و فيه بعد كده ال aqueous medium الوسط المائي هنتفرج على حركة الغازات « هنا وهنا إن شاء الله

ركز عشان الكلام هناخد عليه حاجات كتيرة « بصوا يا أولاد ☺

ال diffusion rate بتاع أي gas « في gaseous medium أدي المعادلة بتاعته «

فيه تلت حاجات يزودا ليا ال diffusion rate اللي هما إيه ؟؟؟

• pressure gradient

• surface area

• temperature

و inversely proportion مع حاجتين ؟؟؟

• ال distance

• ال Molecular weight

فيه عندكم حاجة خايبة « density « أي كلام « طبعاً مية المية

الحاجات اللي كتلتها كبيرة بالنسبة لحجمها « تقيله تروح معدية علطول من هنا لناحية لناحية أي كلام « density (اللي هي الكثافة)

بصوا لو سمحتوا ☺

لو إحنا عايزين نطبق حته ال pressure gradient على الأوكسجين وثاني أوكسيد الكربون

إن شاء الله هنتعرف على الكلام ده في التيرم الثاني

إن الضغط اللي بيحرك الأوكسجين عندك جوا الرئتين « من هنا لهننا

أدي ال alveoli « والدم كده

إحنا بنتكلم على عملية تبادل الغازات جوا الرئة

الأوكسجين المفروض قالولنا بيتحرك كده ،
وثاني أوكسيد الكربون بيخرج
مش إنتوا متخيلين إن ده gas exchange كده

بيقولوا إن جوا الرئتين بتوعنا ، الضغط اللي بيزق الأوكسجين ، ناحية الدم ،
عشر مرات أد الضغط الـ CO_2 بره

يعني على حسب فرق الضغط ، مين بيمر أكثر ، الأوكسجين ولا ثاني أوكسيد الكربون ؟؟؟
الأوكسجين ،
كام مرة ؟؟
عشر مرات

في المحاضرات اللي جاية إن شاء الله هعلمك جابوا منين العشرة دي ، يعني ليها حسبة نوصلها بسهولة شديدة إن شاء الله
إن الفرق مثلاً اللي بيحرك الأوكسجين 60 ملي متر زئبق من هنا لهننا
والفرق الثاني 6 ملي متر زئبق
فطلع أده عشر مرات

طيب ،
على حسب ال Molecular weight
أنا مش عارف الأرقام بالظبط بتاعت الأوكسجين والـ CO_2
يا أولاد في مخكم ، **مين أثقل في الأثنين هل الـ O_2 ولا الـ CO_2 ؟؟؟**
 CO_2 طبعاً

عشان كده يقولك ،
حسبوا الـ CO_2 لأنه أثقل ، والعلاقة هنا inverse
مع ال Molecular weight ،
الأوكسجين أحلى منه ،

مكتوب عندكم النسبة بينهم ،
1.2 إلى 1

إيه الـ 1.2 إلى 1 دا ؟؟
يعني كل 6 جزيئات أوكسجين يعدوا الدم كده ، $5 < CO_2$ يطلعوا
دا معنى 1.2 إلى 1

يبقا على حسب يا أولاد الكلمتين اللي قولناهم
الأمر بتجري لصالح مين دلوقتي جوا الرئة ، مين بيعدي أحلى ؟؟؟
الأوكسجين
فرق الضغط لصالحه ، عشر مرات ثاني أوكسيد الكربون
وحتى ال molecular weight لصالحه بردو

نسبتهم كام لكام ؟؟

1.2 إلى 1

على فكرة الأرقام دي مش examples
الأرقام دي لازم تتحفظ

النسبة كام لكام ؟؟؟

1.2 إلى 1

إنت عارف لو ضربت دول في بعض «
تطلعك النسبة 12 إلى 1

مين بيعدي أحلى ؟؟؟ الأوكسجين ولا CO₂ ؟؟؟

الأوكسجين

بيقا الأمور هنا جرت في صالح مين ؟؟؟

الأوكسجين

دا في أي media ؟؟؟

في ال gas media

إنت عارف إن ده مش في صالحنا، ☹
حتة إن الأوكسجين يعدي أحلى من ال CO₂ دا مش في صالحك
ليه ؟؟

بصوا يا شباب ☺

البنى آدم مننا يقدر يستحمل نقص الأوكسجين سنين

man can withstand hypoxia for years

عادي جداً،

دا فيه ناس عايشين في حتت الأوكسجين ناقص أووووي

الناس اللي عايشة في المرتفعات دي « في بلاد أثيوبيا والمكسيك والحتت العالية دي

عايشين طول عمرهم في نقص الأوكسجين

وعايشين زي الفل

man can withstand hypoxia for years

إمّا ال CO₂ لو علي داخل جسم البنى آدم

ومن ال CO₂ ما قتل ☹

دا يموت

إنت عارف ال CO₂ دا أنا قولتلكم قبل كده إنه حمض

لأنه بيذوب في مية الجسم ويتحول إلى كربونيك أسيد

تموت

أصل البنى آدم «man life is only possible within very narrow range of PH»

إحنا يا أولاد البني آدم يقدر يعيش ما بين 7 إلى 7.7
يعني ال range ده من ال PH
أقل من كده تموت ، فوق كده ميت

عشان كده قالولك في البايو ، إحنا منمرين نفسنا في النص 7.4 دا ال Normal
لغاية 7 و لغاية 7.7
حياة البني آدم
is only possible within very narrow range of PH

إحنا خايفين من زيادة ال CO_2
إنها جوا في جسمنا
لتعمل acidosis وتموت

بس إحنا شوفنا من شوية ، لما جينا نعمل المعادلة في ال gaseous medium
الأمور جرت في صالح الأوكسجين

كام مرة بيعدي ثاني أوكسيد الكربون ؟؟؟
12 مرة

ربنا مش عايز كده ،
ربنا عالم ببواطن الأمور ، عايز ال CO_2 يعدي أكثر ،
طيب إزاي !!!! ما المعادلة ماشية مع الأوكسجين ،
ربنا قلب الأمور لصالح ال CO_2 عارف إزاي !!!!
بشوية مية اتخطوا ما بين ال alveoli وما بين ال pulmonary capillary

شوية مية قليلة الحجم ، عظيمة الأثر
شوية مية اتخطوا كده ، سموهم Interstitial fluid
قلبوا الموازين
يا سلام!!!!!! شوية المية دول هيقلبوا الكفة لصالح ال CO_2
عارف ليه ؟؟

يقولك : أصل ال CO_2 ،
much much more soluble in water
عن الأوكسجين
عارف أد إيه ؟؟؟

24 مرة
على حسب ال solubility
ال CO_2 يعدي أد الأوكسجين 24 مرة

إنت عارف لما ال gas يدوب أحلى في المية
يعني بيعوم من الضفة دي للضفة دي أسرع علطول

تخيل روحنا على أرضهم لعبنا ماتش «
اتغلبنا 12 واحد

بس جنبناهم عندنا فوزنا عليهم كام ؟؟

24 واحد

إحنا الي سعدنا في الآخر

تصور شوية المية دول « هما الي خلوا الأمور تجري في الرئتين بتوعنا لصالح الـ CO₂
طيب «

ركزوا معايا لو سمحتم ☺

إنت عارف المعادلة بقا جوا الجسم

هي هي يا أولاد المعادلة دي

Aqueous medium

إنت عارف المعادلة بتاعت الـ aqueous هي هي المعادلة الي لسه قاييلينا بس هنضيف عليها حاجتين

بالنسبة للـ fluid

الـ solubility كل ما تزيد « كل ما الـ gas diffusion يزيد

طيب «

السائل ده ليه لزوجه (viscosity)

تفتكر كل ما تزيد اللزوجة (viscosity) يحصل إيه في الـ diffusion ؟؟؟

تقل

فيه حاجة كده اسمها عندكم الـ solubility coefficient of gas

معامل الذوبان

دا كلام فيزياء خالص «

بيقولك : ملي سائل « وفرق الضغط واحد « يعني انسى فرق الضغط والـ Molecular weight والكلام ده كله

بنتكلم على الذوبان لوحده «

بنشوف مين أكثر الي بيذوب

مكتوب عندكم أهو « يعني إيه الـ solubility coefficient of gas ؟؟ معامل الذوبان في الغازات

دا كلام فيزياء

بيقولك : بنشوف حجم الغاز الي يدوب في ملي fluid (إحنا بره الجسم خلي بالكم وبنعمل تجارب)

وفرق الضغط 1 ملي متر زئبق (الوضع دا مش جوا الجسم خالص)

حسبوها «

لقبوا إن الذوبان CO₂ أد الأوكسجين عشرين مرة

والأوكسجين ضعف النتروجين

مكتوب عندكم « الـ CO₂ عشرين

والأوكسجين واحد
والنتروجين كان نص تقريباً

ال CO_2 معامل الذوبان بتاعه أد الأوكسجين عشرين مرة
والأوكسجين ضعف النتروجين

دا فيزياء
إحنا افترضنا وضع معين ، ملي سائل
عشان إنتوا مش مصدقين مين بيذوب أكثر
أثبتوها في الفيزياء

جابوا ملي من سائل ، والضغط واحد ملي متر زئبق
قالوا نشوف أد إيه من الغاز يذوب فيه
لقينا أكثر واحد بيذوب ال CO_2
كام مرة أد الأوكسجين ؟؟

20 مرة
والأوكسجين بيذوب ضعف النتروجين

اللي جاية دي مهمة ال Diffusion capacity

تعريف ال Diffusion capacity << 4M (دا اسم الفرقة بتاعت عزت أبو عوف قبل ما ينتجه للتمثيل يعني)
عبارة عن إيه ؟؟

بيحسبوا كام ملي (أدّي أول M) من الأوكسجين أو ال CO_2 بيعدوا جوا الرئتين ، في الدقيقة (minute تاني M) ،
لكل تغير في الضغط مقداره واحد (يعني بينسوا تماماً إن دا المفروض يعدي لده 10 مرات بفرق الضغط) بيعتبره لكل واحد ملي متر زئبق

وخلي بالك
ملي متر زئبق (Ml mercury فيها اتنين M أهّم)

يعني إنت عندك التعريف 4 M لوحدهم
يعني إيه ال Diffusion capacity ؟؟؟
بنحسب كام ملي من الغاز بيعدوا ، في الدقيقة ، لكل تغير في الضغط مقداره واحد ملي متر زئبق

فيه Note أخيرة في المحاضرة دي ،
الأرقام دي مهمة عشان ال M.C.Q.
بص يقولك إيه ،
عملية تبادل الغازات في الطبيعي ، كانت بتتم في رُبْع ثانية
في حين إن الدم بيعدي جوا الرئة بتاعتك ، بيعدي بيأخذ زمن أد إيه ؟؟
3/4 ثانية

اسمعوا اللي بقوله تاني ،
إنتوا عارفين إن كل مرة ، الدم عندك بيعدي جوا الرئة ، وهو مَعْدِي كده ، بيأخذ زمن 3/4 ثانية
في حين إن عملية إنك تأخذ الأوكسجين وترمي ثاني أوكسيد الكربون

دي محتاج رُبْع ثانية بس

عارف دي إيه قيمتها؟؟

لو واحد عدد ضربات قلبه « زادت إلى 3 أضعاف
يعني بدل ما قلبك شغال 90 في الدقيقة « شغال 270
عملية تبادل الغازات « تتم بنفس الكفاءة «

ثاني «

عشان هوصل لحقائق هامة أوووي هنا «
إنت قلبك بيضرب 90 مرة في الدقيقة « بيقا الدقة الواحدة 3/4 ثانية
يعني الدم مَعْدِي عندك جوا الرئة « بيأخذ 3/4 ثانية (في مروره عبر الرئة)

إنت مش محتاج الدم دا كله «
الأوكسجين بينط جوا الدم والـ CO₂ بنطرده
الحكاية دي بتتم في 1/4 ثانية
والدم مَعْدِي بيأخذ أد إيه ؟؟
3/4 ثانية

يعني أد اللي إحنا محتاجينه كام مرة ؟؟
3 مرات

نقول بطريقة ثانية «
بيقا لو عدد ضربات قلبك زاد إلى 3 أضعاف قيمته
بدل 90 دقة في الدقيقة « بقا 270 دقة في الدقيقة
مفيش تأثير على تبادل الغازات

هتقولي : طب أكثر من كده « ما تبادل الغازات هتتأثر «
أكثر من كده إحنا هنموت لأن ساعتها القلب مش هيلحق يملأ دم في الأساس
فمش هيلاقى حاجة يزقها
دي أوضاع مميتة بقا

بيقا عملية تبادل الغازات « ربنا حطلها ضمان أمان «
gas exchange

إن إنت مهما جريت وضربات قلبك سرعت « مفيش خوف عليها
الأرقام ليها فكرة واحتمال كبير تيجي في الإمتحانات

الدم بيعدي عبر الرئة « في الـ pulmonary capillary
بيأخذ زمن أد إيه ؟؟
3/4 ثانية

وإنت محتاج للتبادل أد إيه ؟؟
1/4 ثانية

الكتاب لغاية هنا ووقف ، أنا بقولك إيه قيمتها
ييقا القلب لو بيضرب 90 دقة في الدقيقة ، الدم ماشي معاه كده
طيب ،

قلبك بيضرب لغاية 270 ، 150 ، 200 ، 250 ، 270

ال 3/4 دي هتبقا 1/4 ثانية

والوقت ده كافي لعملية gas exchange

والله لو القلب سرّع بقا عن 270

ساعتها هنموت ، مش لأن تبادل الغازات مش كويس ،

هنموت لأن ده مينفعش شغل القلب ، القلب المفروض بيملأ دم في diastole ويطلع دم في systole

لما يضرب ورا بعضه ورا بعضه ، بالطريقة دي

مش هيلحق يملأ دم أساساً ، هنموت

لله الحمد والمنة والثناء الحسن

تم الإنتهاء من تفريغ المحاضرة الثالثة في شاتر respiration

دلوقتي الساعة الثانية و18 دقيقة ظهراً يوم السبت 30 مارس 2013

شوية وهقوم أسافر القاهرة بإذن الله دعواتكم بقا 😊

لمزيد من المواد المفردة

على الفيس بوك

صفحة تفريغ المواد الطبية

 /dr.tafreegh

www.facebook.com/dr.tafreegh

نحبكم في الله

إذا عجبك أي شيء متفرغ تابع لصفحة أو جروب

تفريغ المواد الطبية

وحبيت حضرتك تنقله اتفضل

بذكر المصدر أو بدون

المهم إن المعلومة توصل لغيرك

واحتسب إنك بتوصل معلومة لغيرك

وإن شاء الله لك من الأجر الكثير بإذن الله

ويكون في خدمة الإسلام

ويكون سبب في علاج مريض بإختلاف اسمه أو جنسه أو دينه

اللهم اجعل عملنا خالصاً لوجهك الكريم

اللهم آمين

سلام بقا 😊